



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Observatio ad Polemica Blosiana seu Defensionem veræ Fidei adversus
nascentes in Belgica hæreses circa annum Domini M. D. L.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

OBSERVATIO
AD
POLEMICA
BLOSIANA
SEV
DEFENSIONEM
VERÆ FIDEI
ADVERSUS
NASCENTES IN BELGICA
HÆRESSES
CIRCA ANNUM DOMINI M. D. L.

Akor.
20.

r. Reg.
17.

Dan. 13.

Sæculū
I.

II.

DOMINUS & Salvator noster JESUS CHRISTUS, i. Sponsæ suæ dilectæ & electæ, Ecclesiæ, quam ac-
quisivit Sanguine suo, fidelis sponsus & zelotes, semper adversus oppugnationes novantium hæreticorum, sanctos Patres suscitavit propugnatores; semper adversus Goliathos, in duello, Davides opposuit; adversus Ienones Susannæos, in judicio, Danieles præparavit; ut ex omni retrò per sexdecim sæculorum ætates Annalium Ecclesiasticorum fidâ memoriâ compertum est. Exempla producantur.
Primo sæculo, Simonem Magum hæresiarcham debellavit Simon Petrus; aliosque & alios hæreticos alij atque alij Apostoli. Secundo, Saturninum, Carpocratem, Marcionem, Gnosticos, Ophitæ, Montanistas; sanctus Justinus, sanctus Irenæus, sanctus Athenogenes;

- genes, item Musanus, Miltiades, Tertullianus strenuè refutarunt. hereticorum oppugnantium, & Doctorum propugnantium Ecclesiam Dei.
- III. Tercio, Cyprianus, Novatianus; Quarto, Donatistas, Arianos, Manichæos, Helvidianos item, Jovianistas, Vigilantianos, Patres sancti Græci, Basilus, Achanasius, & duo Gregorij Nazianzenus atque Nyssenus; Latini, Hilarius, Ambrosius, Hieronymus, animosè profligaverunt. Quinto, Fortunatum, Felicem, Faustum, hostes infelices, infaustos, & sanctæ Catholicæ Romanæ Ecclesiæ infestos Manichæos, Petilianum etiam, Pelagium atque Nestorium, unus instar omnium hæreticorum malleus concudit sanctus Augustinus. Sextum sæculum vidit Monochelitas seu Monophysitas prostratos à sanctis Sophronio & Maximo; Septimum, Theopaschitas & eorum caput Sergium, à sancto Abate & Martyre Maximo. In octavo sæculo jacuerunt Iconoclastæ, victi à sancto Joanne Damasceno; in Nono, Claudius Taurinensis, à Jona Aurelianensium Episcopo; in Decimo, Anthropomorphitæ repullulantes, à Ratherio Veronensium Episcopo. Undecimum, Berengario Sacramentario novatori, Fulbertum Carnotensium Episcopum; Duodecimum, Tanchelino etiam Sacramentario, Norbertum Præmonstratensium Patriarcham; Petro Brusio, Gilberto Porretano, Petro Abaillardo, Bernardum Clavallensium Abbatem, nostro BLOSIO Lætiensium, tum dulci pietate tum forti zelo, non absimilem; Decimum tertium, Olivario Albigenis factionis profeminatori, Dominicum Prædicatorum Ordinis religiosissimum Parentem, cum duodecim venerandis Abbatibus ab Innocentio III. Pontifice Maximo in Provinciam Tolosanam missum, opponi vidit, & partam armis Ecclesiasticis victoriam reportari. Beguardos & Beguinas, sæculo XIV. Decimo quarto, duo Pontifices Maximi Clemens V. & Joannes XXII. confixerunt. Wicleffitas & Hussitas, potentissimum sæculi XV. Decimi quinti hæreticorum flagellum Thomas Waldensis calamo suo jugulavit.

3. Sæculo decimo sexto contra Lutherum & Calvinum datus est à Deo Blosius Defensor fidei. Martinus Lutherus & Joannes Calvinus, damnata sæculi Decimiseptimi portenta, calamitosi aurorum nostrorum temporibus caput extulerunt, & arma sanctæ Ecclesiæ Catholicæ intulerunt; unde faces, Theomachorum & Iconoclastarum excitato ab inferis incendio, Belgicam Ecclesiam sub annum Domini M. D. L. subdolè & furtim ingressæ, vastitatem Sacris omnibus minabantur. Adversus hos quidem Dei providentia sanctum IGNATIUM de LOIOLA, magno Ecclesiæ Romanæ bono, militem novum suscitavit,

Y y

tavit,

tavit, qui cum fundata à sese SOCIETATE JESU bellum omnibus hæresibus internecinum indiceret: sed priusquam fortissimi Societatis JESU Patres in Belgio nati notive essent, voluit R. D. LUDOVICUM BLOSIUM opponere sese velut murum pro Domo Dei, & divinitus, ut credere par est, mentem inspiravit adversus hæreses, aut clam & versute irrepentes, aut palam & violente irrum-pentes, amentata sanctorum antiquæ Ecclesiæ Patrum tela acuen-di & intorquendi.

4.
BLOSIUS
varie
contra sui
seculi
hæreses
profuit
Ecclesiæ.

Hoc sanè doctissimis tum COLLYRII tum FACIAR libellis pro virili, cum divina gratia, fortiter ac feliciter præstitit BLOSIUS; quem proinde in reducendis ad Ecclesiæ Matris gremium seductis Proceribus, ob egregiam cum prudentissima doctrina conjunctam morum suavitatem, MARIA Hungarica Belgicarum Provin-ciarum Gubernatrix, aliique Principes, Magistrum & Directorem esse voluerunt. In his autem Polemicis lucubrationibus obse-cro Lectorem priscae fidei amantem, ut res duas, quæ ad com-mendandam D. BLOSI in hac FIDEI DEFENSIONE ope-ram facere videntur, adnotet & admiretur. Inprimis, vir ille to-tus in Asceticis immersus & absorptus, qui suavem unionis my-sticæ quietem expertus, & profundum ac tranquillum, ut est in Canticorum Epithalamio, sponsæ deliciosissimæ somnum dor-mire solitus erat, mirandum est, quomodo zelo Dei & Eccle-siæ ardens, ad primos hæreseos rumores tanto fervore & celeri-tate classicum cecinit, auxilia à sanctis Patribus advocavit, ad arma fidei hostibus inferenda, & ad Ecclesiam propugnandam evolavit. Deinde mirari nemo aut laudare satis poterit, quod in primis illis controversiarum fidei velitationibus, non velut levis armaturæ miles, sed velut Triarius aut Cataphractus, tam decretoriâ Pugnâ decertavit, tam certis & acutis jaculis jugulum perijt, tam fortibus tam ineluctabilibus Patrum præscorum sen-æntijs novas hæreses subjugavit. *Filia Babylonis! Beatus qui tenebit & allidet parvulos tuos ad petram.* Fecit hoc BLOSIUS, qui vagientes adhuc & in cunis Babylonæ hæreticæ filios allisit ad petram: petra autem erat Christus, & Christi Verbum, & Christi Vicarius, & Christi Apostoli, ac Doctores Ecclesiæ Christi.

5.
In rudi-
bus prin-
cipi; di-
spuatio-
num de
rebus fi-
dei ma-
gnifici-
du est
Blosius
quamvis
plura post
Blosium
ad ista
sunt a re-
centiori-
bus fidei
propugna-
toribus.

Cum verò nihil simul & inventum & perfectum; & facillimum sit inventis aliquid addere; atque ex omnibus Belgicæ Ecclesiæ contra Navatores propugnatoribus B L O S I U S aut primus, aut certè ex primis unus fuerit, qui in controversiarum fidei arenam prodijt, excogitatâ & inventâ à se pugnandi ratione usus; alijque deinceps post B L O S I U M controversiarum nostri temporis Scriptores inventis à B L O S I O quamplurima ornamenta & quondam veluti perfectionem rudibus ac novis illis lineamentis imposuerint; exiltimandum est, non desideraturum te, benigne Lector, in Blosianis istis incunabulis adultam illam & multis post annis auctam scribendi contra hæreticos methodum & experientiam.

6.
Plura
qui volent
ad ista
Scriptores
Blosio
posteri om-
nes in
contro-
versis.

Quæ causa est, quamobrem in hac ultima Parte Polemica satius visum est, ornando, augendo, illustrando B L O S I O per marginales glossas aut citationes crebriores, ut in alijs Partibus actum est, supersedere, cum in omnium ore & manibus sint doctissimi atque gravissimi Auctores, qui inchoatis per Blosium curis Polemicis manum ultimam admoverunt, & inventa à B L O S I O, auctâ ab annis experientia, ad Perfectionis culmen evenerunt.



Yyy 2

HLVDO-